

## Rwona / Kurisuka

### Kumenya imiterere y'ikibazo

Kurisuka ni icyatsi kibi gitungwa n'ibindi bimera bitandukanye byo mubwoko bw'ibinyampeke nk'ibihingwa by'ibigori n'amasaka, cyangwa ibyatsi bisanzwe. Icyatsi cya Rwona kigira ururabyo rw'umwura mu gihe amababi yacyo, y'ibara ry'icyatsi, ari mato mu bugali bwayo ariko asongoye. Uduzi twa Rwona dutungwa nibyo tunyunyusa mu bindi bihingwa (ibinyampeke), harimo n'amazi bityo tukagwingira nyuma tugapfa.

### Uko iteye n'uko ikwirakwira

Rwona ni indiriziri y'ibindi bimera by'ibinyampeke. Imbutu zayo zitangira kumera iyo ibyo binyampeke nabyo byatangiyeye gukura; mu gihe ibyo biyitunga bidahari, imbutu zayo ziguma mu butaka kugeza no ku myaka makumyabiri. Agati kamwe ka Rwona gashobora kubara utubuto kugeza ku bihumbi mirongo itanu (50.000). Imbutu zayo zikwirakwizwa n'umuyaga, amazi, inyamaswa, abantu, ibikoreshwa mu buhinzi cyangwa imbutu n'ingemwe z'ibinyampeke zifite imbutu za Rwona.

### Uko bayirwanya

- Kurandura no gutwika Rwona yose igaragara mu murima bigakorwa mu ntangiriro y'igihembwe cy'ihinga. Byaba byiza bikorwa Rwona itararabya.
- Gufasha imbutu za Rwona kumera mu bwinshi haterwa ku bwinshi ibinyampeke biyitunga.
- Kwirinda gukoresha imbutu z'ibinyampeke zituruka mu mirima yafashwe na Rwona.
- Kubisikanya ibihingwa mu murima cyangwa kuvanga n'ubwoko bw'ibihingwa bitanyunyuzwa na Rwona (nka Soya, ubunyobwa, ibishyimbo), ibi bituma imbutu za Rwona zimera, uduzi tugakura mu gihe gito hanyuma tugapfa.
- Kwirinda kunyuzwa amatungo cyangwa kuyaragira mu mirima yafashwe na Rwona.
- Gukoresha inyongeramusaruro (Imborera) zituma igihingwa gikomera.

Icyatsi cya kurisuka (iburyo) kinyunyuzwa amasaka. (Ifoto yafashwe na Hakizamungu Leon)



Kurisuka yaranduwe igashyirwa mu mwobo. (Ifoto yafashwe na Dr Mbwaga)



Izina ry'umwimerere > *Striga hermonthea*

Iyi mfashanyigisho iberanye n'igihugu cy'u: Rwanda



BYATEGUWE NA: Leon Hakizamungu, Elie M Mugunga, Gertrude Night  
Rwanda Agriculture Board, P.O. Box 5016, Kigali  
tel: +250 (0)78 868 6690 email: lhakizamungufr@yahoo.fr

Byatanganyijwe na Plantwise